

欽定古今圖書集成經濟彙編戎政典

第一百七十六卷目錄

兵略部彙考七十四

金二 太宗天會二則 熙宗天會一則 廢帝

戎政典第一百七十六卷

兵略部彙考七十四

金二

太宗天會三年十月詔諸將伐宋十二月宋將郭藥師降

四年八月復詔伐宋十一月圍汴京克之十二月宋主降

按金史太宗本紀天會三年八月壬子詔有司揀閱善射勇健之士以備宋十月甲辰詔諸將伐宋以諸班勃極烈果兼領都元帥移劾極烈宗翰兼左副元帥先鋒經略使完顏希尹爲元帥右監軍左金吾上將軍耶律余睹爲元帥右都監自西京入太原六部路軍師捷懶爲六部路都統斜也副之宗望爲南京路都統蘭母副之知樞密院事劉彥宗兼領漢軍都統自南京入燕山丁巳以蘭母爲南京路都統瑞喝副之宗望爲蘭母劉彥宗兩軍監戰宋易州成將韓民毅以軍降處之蔚州十二月庚子宗翰下朔州甲辰宗望諸軍及宋郭藥師張企微劉舜仁戰於白

河大破之蒲覓敗宋兵於古北口丙午郭藥師降燕山州縣悉平戊申宗翰克代州乙卯中山降丙辰宗望破宋兵五千於眞定戊午宗翰圍太原耶律余睹破宋河東陝西援兵於汾河北甲子宗望克信德府四年春正月丁卯朔始朝日降臣郭藥師董才皆賜姓完顏氏戊辰宗弼取湯陰大興攻下滑州迪古補取黎陽己巳諸軍渡河庚午取滑州宗望使吳孝民等入汴問宋取首謀平山童貫譚稹偃度及張覺等宋太上皇帝出奔癸酉諸軍圍汴甲戌宋遣使李悅來謝罪且請修好宗望許宋修好約質割三鎮地增歲幣載書稱伯姪戊寅宋以康王構少宰張邦昌爲質辛巳宋上誓書地圖稱姪大宋皇帝伯大金皇帝癸未諸軍解圍二月丁酉朔夜宋將姚平仲兵四十萬來襲宗望營敗之己亥復進師圍汴宋使宇文虛中以書來改以肅王樞爲質遣康王構歸師還壬子以滑州二州與宋宗翰定成勝軍攻下隆德府丁巳次潭州三月癸未銀木可圍太原宗翰還西京四月癸卯宗望使宗弼來奏捷乙丑耿守忠等大敗宋人於西都谷五月辛未宋神師中以兵出井陘癸酉完顏活女敗之於殺龍嶺斬師中於陣是日拔離速敗宋姚古軍於隆州谷六月庚戌宗望獻所獲三象庚申以宗望爲右副元帥七月丙寅遣高伯淑等宣諭高麗蕭仲恭使宋還以所持宋帝與耶律余睹蠟書自陳八月庚子詔左副元帥宗翰右副元帥宗望伐宋宋張淵率兵出汾州拔離速擊走之劉臻以兵出壽陽宴室破之庚戌宗翰伐西京辛亥宴室等破宋張淵軍於文水癸丑宗望發保州是日耶律鐸破宋

兵於雄州那野等敗宋兵於中山庚申突撚取新樂九月丙寅宗翰克太原執經略使張孝純鶴沙虎取平遙靈石孝義介休諸縣己巳復以南京爲平州辛未宗望破宋神師閭軍於井陘取天威軍克眞定殺其守李遼十月尊室克汾州石州降蒲察克平定軍遼州降十一月甲子宗翰自太原趨汴丙寅宗望自眞定趨汴戊辰宗翰下威勝軍癸酉撤刺荅破天井關乙亥宗翰克隆德府活女渡盟津西京永安軍鄭州皆降庚辰宗翰克澤州宗望諸軍渡河臨河大名二縣德清軍開德府皆下丙戌克懷州是日宗望至汴閏月壬辰朔宋出兵拒戰宗望等擊敗之癸巳宗翰至汴丙辰克汴城辛酉宋主桓出居青城十二月癸亥宋主桓降是日歸於汴城五年正月癸巳宗翰宗望使使以宋降表來上乙未知樞密院事劉彥宗上表請復立趙氏不聽二月丙寅詔降宋二帝爲庶人三月丁酉立宋少宰張邦昌爲大楚皇帝割地賜夏國四月乙酉克陝府取虢州丙戌以六部路都統捷懶爲元帥左監軍南京路都統蘭母爲元帥左都監宗翰宗望以宋二帝歸五月庚寅朔宋康王構即位於歸德宋殺張邦昌尊室降解絳慈隰石河中尉嵐寧化保德火山諸城捷懶徇地山東下密州迪虎下單州廣信軍降六月庚申詔曰自河之北今既分畫重念其民或見城邑有被殘者不無疑懼遂命堅守若即討伐生靈可慰其申論以理招輯安全之儻執不移自當致討若諸軍敢利於俘掠輒肆蕩殺者底於罰 按宗翰傳宋人來請割諸城宗翰報以武朔二州宗翰請曰宋人不歸我叛亡阻絕燕山往來

欽定古今圖書集成經濟彙編戎政典

第一百七十六卷目錄

兵略部彙考七十四

金二 太宗天會二則 熙宗天會一則 廢帝

戎政典第一百七十六卷

兵略部彙考七十四

金二

太宗天會三年十月詔諸將伐宋十二月宋將郭藥師降

四年八月復詔伐宋十一月圍汴京克之十二月宋主降

按金史太宗本紀天會三年八月壬子詔有司揀閱善射勇健之士以備宋十月甲辰詔諸將伐宋以諸班勃極烈果兼領都元帥移資勃極烈宗翰兼左副元帥先鋒經略使完顏希尹爲元帥右監軍左金吾上將軍耶律余睹爲元帥右都監自西京入太原六部路軍師捷懶爲六部路都統斜也副之宗望爲南京路都統蘭母副之知樞密院事劉彥宗兼領漢軍都統自南京入燕山丁巳以蘭母爲南京路都統瑞喝副之宗望爲蘭母劉彥宗兩軍監戰宋易州成將韓民毅以軍降處之蔚州十二月庚子宗翰下朔州甲辰宗望諸軍及宋郭藥師張企微劉舜仁戰於白

河大破之蒲覓敗宋兵於古北口丙午郭藥師降燕
山州縣悉平戊申宗翰克代州乙卯中山降丙辰宗
望破宋兵五千於眞定戊午宗翰圍太原耶律余睹
破宋河東陝西援兵於汾河北甲子宗望克信德府
四年春正月丁卯朔始朝日降臣郭藥師董才皆賜
姓完顏氏戊辰宗弼取湯陰大興攻下滑州迪古補
取黎陽己巳諸軍渡河庚午取滑州宗望使吳孝民
等入汴問宋取首謀平山童貫譚稹偃度及張覺等
宋太上皇帝出奔癸酉諸軍圍汴甲戌宋遣使李悅
來謝罪且請修好宗望許宋修好約質割三鎮地增
歲幣載書稱伯姪戊寅宋以康王構少宰張邦昌爲
質辛巳宋上誓書地圖稱姪大宋皇帝伯大金皇帝
癸未諸軍解圍二月丁酉朔夜宋將姚平仲兵四十
萬來襲宗望營敗之己亥復進師圍汴宋使宇文虛
中以書來改以肅王樞爲質遣康王構歸師還壬子
以滑州二州與宋宗翰定成勝軍攻下隆德府丁巳
次澤州三月癸未銀木可圍太原宗翰還西京四月
癸卯宗望使宗弼來奏捷乙丑耿守忠等大敗宋人
於西都谷五月辛未宋神師中以兵出井陘癸酉完
顏活女敗之於殺龍嶺斬師中於陣是日拔離速敗
宋姚古軍於隆州谷六月庚戌宗望獻所獲三象庚
申以宗望爲右副元帥七月丙寅遣高伯淑等宣諭
高麗蕭仲恭使宋還以所持宋帝與耶律余睹蠟書
自陳八月庚子詔左副元帥宗翰右副元帥宗望伐
宋宋張瀛率兵出汾州拔離速擊走之劉臻以兵出
壽陽宴室破之庚戌宗翰伐西京辛亥宴室等破宋
張瀛軍於文水癸丑宗望發保州是日耶律鐸破宋

兵於雄州那野等敗宋兵於中山庚申突撚取新樂
九月丙寅宗翰克太原執經略使張孝純鶴沙虎取
平遙靈石孝義介休諸縣己巳復以南京爲平州辛
未宗望破宋神師閭軍於井陘取天威軍克眞定殺
其守李遼十月尊室克汾州石州降蒲察克平定軍
遼州降十一月甲子宗翰自太原趨汴丙寅宗望自
眞定趨汴戊辰宗翰下威勝軍癸酉撤刺皆破天井
關乙亥宗翰克隆德府活女渡盟津西京永安軍鄭
州皆降庚辰宗翰克澤州宗望諸軍渡河臨河大名
二縣德清軍開德府皆下丙戌克懷州是日宗望至
汴閏月壬辰朔宋出兵拒戰宗望等擊敗之癸巳宗
翰至汴丙辰克汴城辛酉宋主桓出居青城十二月
癸亥宋主桓降是日歸於汴城五年正月癸巳宗翰
宗望使使以宋降表來上乙未知樞密院事劉彥宗
上表請復立趙氏不聽二月丙寅詔降宋二帝爲庶
人三月丁酉立宋少宰張邦昌爲大楚皇帝割地賜
夏國四月乙酉克陝府取虢州丙戌以六部路都統
捷懶爲元帥左監軍南京路都統蘭母爲元帥左都
監宗翰宗望以宋二帝歸五月庚寅朔宋康王構即
位於歸德宋殺張邦昌宴室降解絳絳陽石河中尉
嵐寧化保德火山諸城捷懶徇地山東下密州迪虎
下單州廣信軍降六月庚申詔曰自河之北今既分
畫重念其民或見城邑有被殘者不無疑懼遂命堅
守若即討伐生靈可慰其申論以理招輯安全之儻
執不移自當致討若諸軍敢利於俘掠輒肆蕩殺者
底於罰 按宗翰傳宋人來請割諸城宗翰報以武
朔二州宗翰請曰宋人不歸我叛亡阻絕燕山往來

道路後必敗盟請勿割山西郡縣太宗曰先皇帝嘗許之矣當與之諸將復耶律馬哥宗翰歸之京師詔以馬七百匹給宗翰軍以田種千石米七千石賑新附之民詔曰新附之民比及農時度地以居之宗翰請分宗望提懷石古乃精兵討諸部詔曰宗望軍不可分別以精銳五千給之宗翰朝太祖陵入見上奏曰先皇帝時山西南京諸部漢官軍帥皆得承制除授今南京皆循舊制惟山西優以朝命詔曰一用先皇帝燕京所降詔勅從事卿等度其勳力而遷授之宗翰復奏曰先皇帝征遼之初圖宋協力夾攻故許以燕地宋人既盟之後請加幣以求山西諸鎮先皇帝辭其加幣盟書曰無容匿通誘擾邊民今宋數路招納叛亡厚以恩賞畧叛人姓名索之童貫嘗期以日月約以誓書一無所致盟未期年今已如此萬世守約其可望乎且西鄙未寧割付山西諸郡則諸軍失屯據之所將有經略或難持久請姑置勿割上悉如所請上以宗翰破遼經略夏國奉表稱藩深嘉其功以馬十匹使宗翰自擇二匹餘賜羣帥及幹魯奏宋不遣歲幣戶口事且將渝盟不可不備太宗命宗翰取諸路戶籍按籍索之而蘭母再奏宋收盟有狀宗翰宗望俱請代宋於是諸班勃極烈果領都元帥居京師宗翰爲左副元帥自太原路伐宋宗翰發自河陰遂降朔州克代州圍太原府宋河東陝西軍四萬救太原敗於汾河之北殺萬餘人宗望自河北趨汴久不聞問遂留銀木可等圍太原宗翰率師而南降定諸縣及威勝軍下隆德府實潞州軍至澤州宋使至軍中始知割三鎮講和事路允迪以宋割

太原詔書來太原人不受詔宗翰取文水及孟縣復留銀木可圍太原宗翰乃還山西宋少帝誘蕭仲恭貽書余睹以興復遼社稷以動之蕭仲恭獻其書詔復伐宋八月宗翰發自西京九月丙寅宗翰克太原執宋經略使張孝純等鶴沙虎取平遙降靈石介休孝義諸縣十一月甲子宗翰自太原取汴降威勝軍克隆德府遂取澤州撒刺荅等先已破天井關進逼河陽破宋兵萬人降其城宗翰攻懷州克之丁亥渡河閏月宗翰至汴與宗望會兵宋約畫河爲界復請修好不克和丙辰銀木可等克汴州辛酉宋少帝詣軍前舍青城十二月癸亥少帝奉表降詔元帥府曰將帥士卒立功者第其功之高下遷賞之其殞身行陣沒於王者事者厚恤其家屬贈官爵務從優厚使助就軍中勞賜宗翰宗望使皆執其手以勞之四月以宋二主及其宗族四百七十餘人及珪璋寶印哀冕車輅祭器大樂靈臺圖書與大軍北還按阿魯補傳天會初宋王宗望討張覺於平州聞應州有兵萬餘來援遣阿魯補與阿里帶迎擊之斬馘數千而還復從其兄虞劄率兵三千攻乾州虞劄道病卒代領其衆至乾州降其軍及營帳三十獲印四十與僕廄攻下義州宗望伐宋與郭藥師戰於白河宗望命阿魯補以二謀克先登奮戰賞賚特異至汴破淮南援兵斬其二將大軍退次孟陽姚平仲夜以重兵夾襲阿魯補適當其中力戰敗之既還聞大名開德合兵十餘萬來爭河至河上却去敵尚遠乃以輕兵夜發詰旦至衛縣遇敵斬首數千級餘皆潰去師次邢州淳沱橋已焚阿魯補先以偏師營於水上比軍至而

橋成宗望嘉其功出真定庫物賞之爲長勝軍千戶按宗望傳聞母與張覺戰大敗於兔耳山上使宗望問狀就以闡母軍討張覺降瀕海郡縣遂與覺戰於南京城東覺敗宵遁奔宋城中人執覺父及其二子來獻宗望殺之使以詔書宣諭城中張敦固等出降使使與敦固俱入城收兵仗城中人殺使者立敦固爲都統切府庫括居民乘城拒守太宗賞破張覺功及有功將士各有差初張覺奔宋入於燕京宗望責宋人納叛人且徵軍糧久不聞問宗望欲移書督之請空名宣頭千道增信牌安撫新降之民詔以新附長吏職員仍舊已命諸路轉輸軍糧勿督於宋給銀牌十空名宣頭五十道及還潤來隰四州人徙於瀋州者俟畢農各復其業乃詔咸州輪衆宗望軍張敦固以兵八千分四隊出戰大敗宗望再三問諭敦固等曰屢嘗拒戰不敢遂降宗望許其望闕遙拜敦固乃開其一門宗望使闡母奏其事乃下詔赦南京官民大小罪皆釋之官職如舊別有司輕微賦勸稼穡疆場之事一決於宗望又曰議索張覺及通亡戶口於宋聞比歲不登若如舊徵斂恐民匱乏度其糧數賦之射糧軍願爲民者使復田里小大之事闡白軍帥無得專達朝廷詔宗望曰還勳賢及有民望者爲南京留守及諸關員仍具姓名官階以聞是時還潤來隰四州之民保山峇者甚衆宗望乞選良吏招撫上從之上召宗望赴闕而闡母克南京兵執僞都統張敦固殺之南京平赴京師於是宗翰請無割山西地與宋幹魯亦言之闡母奏宋渝盟有驗不可不備及宗望還軍上曰徵歲幣於宋以銀二十萬兩

相三十萬匹分賜軍及六部東京諸軍宗室至軍宋兵三千自海道來破九寨殺馬城縣成將節度使度盧幹取其銀牌兵仗及馬去宗望索戶口宋人弗遣且聞童貫郭藥師治軍燕山宗望奏請伐宋曰苟不先之恐為後患宗翰亦以為言故伐宋之策宗望實啓之宗望為南京路都統閻母副之自燕山路伐宋宗望奏曰閻母於臣為叔父請以閻母為都統臣監戰事上從之以宗望監閻母劉彥宗兩軍戰事宗望至三河破郭藥師兵四萬五千於白河蒲覓敗宋兵三千於古北口郭藥師降遂取燕山府盡收其軍實馬萬匹甲冑五萬兵七萬州縣悉平宋中山戍將王彥劉璧率兵二千來降蒲察纒果以三百騎遇中山三萬人於陘隘之地力戰死之木烈速活里改軍繼至殺二萬餘人宗望破宋真定兵五千人遂克信德府次邯鄲宋李鄴請修舊好宗望留軍中不遣自郭藥師降益知宋之虛實宗望請以為燕京留守及董才降益知宋之地里宗望請任以軍事太宗俱賜姓完顏氏皆給以金牌四年正月己巳諸軍渡河取滑州使吳孝民入汴以詔書問納平州張覺事令執送童貫譚稹詹度以黃河為界納質奉貢奏西諸軍圍汴宋少帝請為伯姪國效質納地增歲幣請和遂割太原中山河間三鎮書用伯姪禮以康王構太宰張邦昌為質沈晦以誓書三鎮地圖至軍中歲幣割地一依定約二月丁酉朔與宋平退軍孟陽是夜姚平仲兵四十萬來襲候騎覺之分遣諸將迎擊大破平仲軍復進攻汴城問舉兵之狀少帝大恐使宇文虛中來辯曰初不知其事且將加罪其人宗望輟弗

攻改肅王樞為質康王構遣歸師還河北兩鎮不下遂分兵討之宗望罷常勝軍給還燕人田業命將士分屯安肅雄霸廣信之境宗望還山西未幾為右副元帥有功將士遷賞有差項之宋少帝以書誘余賄蕭仲恭獻其書詔復伐宋八月宗望會諸將發自保州耶律鐸破敵兵三萬於雄州殺萬餘人那野攻宋軍七千於中山高大董才破宋兵三千於廣信宋神師閻軍四萬人駐井陘宗望大破之遂取天威軍東遷遂克真定殺知府李遵得戶三萬降五縣遂自真定趨汴十一月戊辰宗望至河上降魏縣諸軍渡河留諸將分出大名之境降臨河縣至大名縣德清軍開德府皆克之阿里刮以騎兵三千先趨汴破宋軍六千於路取昨城抵汴城下覆宋兵千人擒數將宗望至汴分遣諸將逼宋援兵奔時那野賽刺臺實連破宋援兵閻月千辰朔宋兵一萬出自汴城來戰宗望選勁勇五千使當海忽魯離鵠失擊敗之癸巳宗翰自太原會軍於汴丙辰克汴州辛酉宋少帝詣軍前十二月癸亥宋帝奉表降上使助就軍中勞賜宗翰宗望使皆執其手以勞之四月以宋二主及其宗族四百七十餘人及珪璋寶印哀冕車輅祭器大樂靈臺圖書與大軍北還宗望乃分諸將鎮守河北董才降廣信軍及旁近縣鎮宗望乃西上涼陘詔宗望曰自河之北今既分畫重念其民見城邑有被殘者遂阻命堅守其申論招輯安全之儻堅執不移自當致討若諸軍敢利於俘掠輒肆毀蕩者當底於罰按閻母傳張覺據平州叛入於宋閻母自錦州往討之覺將以兵脅遷來澗縣四州之民閻母至澗州擊

走張覺軍遂北至榆關遣俘持書招之復敗覺兵於營州東北欲乘勝進取南京時方暑雨退屯海墘逐水草休息使僕馳蒙刮兩猛安屯澗州制未降州縣不得與覺交通九月閻母破覺將王孝古於新安敗覺軍於樓峰口復與覺戰於兔耳山閻母大敗太宗使宗望問閻母敗軍之狀宗望遂以閻母軍討覺及宗望破張覺太宗乃赦閻母召宗望赴闕閻母連破偽都統張敦固遂克南京執敦固殺之上遣使迎勞之詔曰聞下南京撫定兵民甚善諸軍之賞卿差等以給之又詔曰南京疆場如舊屯兵以鎮之命有司運米五萬石於廣寧給南京澗州戍卒遂下宜州拔又牙山殺其節度使韓慶民得糧五千石詔以南路歲餼許田償其後宋童貫郭藥師治兵閻母輒因降人知之即具奏而宗翰宗望皆請伐宋於是閻母副宗望伐宋宗望以閻母屬尊先皇帝任使有功請以為都統以監戰事於是閻母為都統掃喝副之敗郭藥師兵於白河遂降燕山以先鋒渡河圍汴宋人請盟將士分屯於安肅雄霸廣信之境宗望還山西閻母與劉彥宗留燕京節制諸軍天會七年十一月宗弼渡江伐宋十二月兵克杭州宋主入於海按金史太宗本紀天會五年五月宋康王構即位於歸德宋殺張邦昌十二月丙寅右副元帥宗輔伐宋徇地淄青島林答泰欲敗宋將李成於淄州趙州降阿里刮徇地濬州敗敵兵遂取滑州乙亥西南路都統幹魯斃己卯賽里下汝州六年正月丙戌朔宗弼破宋鄭宗孟軍於青州銀術可取鄧州薩謀魯入襄

陽拔離速入均州馬五取房州癸巳克青州癸卯闡母克濰州丁未迪古補敗宋將趙子助兵撤離喝敗宋兵於河上甲寅宋將馬括兵次樂安宗輔擊敗之聞宋主在維揚以農時還師宗弼敗宋兵於河上二月乙卯朔拔離速取唐州癸亥取蔡州己巳移刺古敗宋將臺宗備等兵於大名庚午再破其軍獲臺宗備及宋忠甲戌拔離速取陳州癸未克穎昌府鄭州叛入於宋復取鄭州遷洛陽襄陽潁昌汝鄆均房唐鄧陳蔡之民於河北宗弼復遣妻室攻下同華京兆鳳翔擒宋經制使傅亮阿鄰破河中幹魯入馮翊三月己酉捷懶下恩州六月己未捷懶遣兵徇下磁州信德府真定賊自稱元帥秦王撒離喝討平之七月乙巳宋主遣使奉表請和詔進兵伐之以宋二庶人赴上京八月乙卯妻室敗宋兵於華州詔特刺破敵於渭水遂取下邽丁丑以宋二庶人素服見太祖廟遂入見於乾元殿封其父昏德公于重昏侯是日告於太祖廟以州郡職員名稱及俸給因革詔中外九月辛丑捷果等敗宋兵於蒲城甲辰又破敵於同州乙丑取丹州十月癸酉知樞密院事劉彥宗薨丁丑蒲察妻室敗宋兵於臨真戊寅徙昏德公重昏侯於韓州庚辰宗輔會于漢伐宋十一月庚寅蒲察妻室取延安府乙未取濮州綏德軍降妻室攻晉寧軍其守徐徽言固守不能克十二月丙辰宗弼取開德府丁卯宗輔克大名府鶴沙敗宋兵於肇七年正月辛巳吳國王闡母薨甲午以南京留守韓企先同中書門下平章事知樞密院事二月戊辰宋麟府路安撫使折可求以麟府豐三州降己巳妻室塞里

鶴沙虎等破晉寧軍其守徐徽言據子城拒戰庚午率衆潰圍走擒之使之拜不拜臨之以兵不動命降將折可求諭之降指可求大罵出不遜語遂殺之其統制孫昂及士卒皆不屈盡殺之三月壬寅詔軍興以來良人被略爲驅者聽其父母夫妻子贖之四月蒲察妻室取鄭坊二州五月乙卯拔離速等襲宋主於揚州九月庚午宗弼敗宋兵於睢陽辛未降其城是月曹州降十月丙子朔京兆府降丁丑華州降丁酉阿里當海大吳破敵於壽春己亥安撫使馬世元以城降甲辰廬州降十一月丙辰宗弼取和州壬戌宗弼渡江敗宋副元帥杜充軍於江寧丁卯守臣陳邦光以城降十二月丙戌宗弼取湖州丁亥克杭州阿里蒲蘆渾追宋主於明州越州降大吳敗宋樞密使周望於秀州又敗宋兵於杭州東北戊戌阿里蒲蘆渾敗宋兵於東關遂濟曹娥江壬寅敗宋兵於高橋宋主入於海八年正月己未阿里蒲蘆渾克明州執其守臣趙伯諤庚申詔曰避役之民以微直羈身權貴之家者悉出還本貫阿魯補斜里也下太平順昌及濠州是月宋副元帥杜充以其衆降二月乙亥宗弼還自杭州庚寅取秀州戊戌取平江汴京亂三月丁卯大迪里復取之宗弼及宋韓世忠戰於鎮江不利四月丙申復戰於江寧敗之諸軍渡江是日阿魯補戰於柘阜己亥周企戰於壽春辛丑妻室戰於淳化皆勝之醴州降遂克邠州五月戊申詔曰河北河東蒼軍其家屬流寓河南被俘掠爲奴婢者官爲贖之俾復其業六月壬申詔遣遼統軍使耶律曷禮質節度使蕭別離刺等十人分治新附州鎮癸酉詔

以昏德公六女爲宗婦七月辛亥詔給秦州都統邊廬火所部諸謀克甲胄各五十先遣妻室經略陝西所下城邑叛服不常其監戰阿盧補請益兵帥府會諸將議曰兵威非不足綏懷之道有所未盡誠得位望隆重恩威兼濟者以往可指日而定若以皇子右副元帥宗輔往爲宜以聞詔曰妻室往者所向輒克今使專征陝西淹延未定豈倦於兵而自愛耶關陝重地卿等其戮力焉丁卯上如東京溫湯徙昏德公重昏侯於鶴里改路九月戊申立劉豫爲大齊皇帝世修子禮都大名府按宗弼傳弼本名幹嘍又作兀木亦作幹出或作晃幹出太祖第四子也希尹獲遼護衛習泥烈問知遼帝獵驚驚濛濛都統吳出青嶺宗望宗弼率百騎與馬和尚逐越盧宇古野里斯等馳擊敗之宗弼矢盡遂奪遼兵士槍獨殺八人生獲五人遂審得遼主在鴛鴦澤敗獵尚未去可襲取者及宗望伐宋宗弼從軍取湯陰縣降其卒三千人至御河宋人已焚橋不得渡合魯索以七十騎涉之殺宋焚橋軍五百人宗望遣吳孝民先入汴諭宋人宗弼以三千騎薄汴城宋上皇出奔選百騎追之弗及獲馬三千而還宗望薨宗輔爲右副元帥徇地淄青宗弼敗宋鄭宗孟數萬衆遂克青州復破賊將趙成於臨朐大破黃瓊軍遂取臨朐宗輔軍還遇敵三萬衆於河上宗弼擊敗之殺萬餘人詔伐宋康王宗輔發河北宗弼攻開德府糧乏轉攻濮州前鋒烏林答泰欲破王善二十萬衆遂克濮州降旁近五縣攻開德府宗弼以其軍先登奮擊破之攻大名府宗弼軍復先登破其城河北平宋主自揚州奔於江南宗弼

等分道伐之進兵歸德城中自西門北門出者當海復敗之乃絕陸梁道列礮墮上將攻之城中人懼遂降先遣阿里蒲蘆渾至壽春宗弼軍繼之宋安撫司馬世元率官屬出降進降廬州再降巢縣王善軍當海等破鄆境萬餘衆於和州遂自和州渡江將至江寧西二十里宋杜充率步騎六萬來拒戰鶴蘆補當海迪虎大泉合擊破之宋陳邦光以江寧府降留長安奴幹里也守江寧使阿魯補幹里也別將兵徇地下太平州濠州及句容溧陽等縣沂江而西屢敗張永等兵杜充遂降宗弼自江寧取廣德軍路追襲宋主於越州至湖州取之先使阿里蒲蘆渾趨杭州具舟於錢塘江宗弼至杭州官守巨室皆逃去遂攻杭州取之宋主聞杭州不守遂自越奔明州宗弼留杭州使阿里蒲蘆渾以精兵四千襲之訛魯補木列速降越州大泉破宋周汪軍阿里蒲蘆渾破宋兵三千遂渡曹娥江去明州二十五里大破宋兵追至其城下城中出兵戰失利宋主走入於海宗弼中分麾下兵會攻明州克之阿里蒲蘆渾泛海至昌國縣執宋明州守趙伯諤言宋主奔溫州將自溫州趨福州矣遂行海追二百餘里不及阿里蒲蘆渾乃還宗弼軍自杭州遂取秀州赤盞陣敗宋軍於平江遂取平江阿里率兵先趨鎮江宋韓世忠以舟師扼江口宗弼舟小契丹漢軍沒者二百餘人遂自鎮江沂流西上世忠號之奪世忠大舟十艘於是宗弼循南岸世忠循北岸且戰且行世忠鏖敵大艦數倍宗弼軍出宗弼軍前後數里擊柝之聲自夜達旦世忠以輕舟來挑戰一日數接將至黃天蕩宗弼乃因老鸛

河故道開三十里逼秦淮一日一夜而成宗弼乃得至江寧捷報使移剌古自天長趨江寧援宗弼烏林答泰欲亦以兵來會連敗宋兵宗弼發江寧將渡江而北宗弼軍渡自東移剌古渡自西與世忠戰於江渡世忠分舟師絕江流上下將左右掩擊之世忠舟皆張五繡宗弼選善射者乘輕舟以火箭射世忠舟上五繡五繡著火箭皆自焚烟焰滿江世忠不能軍追北七十里舟軍殘焉世忠僅能自免宗弼渡江北還按宗翰傳太宗下詔伐康王河北諸將欲罷陝西兵併力南伐河東諸將不可曰陝西與西夏爲鄰事體重大兵不可罷宗翰曰初與夏約夾攻宋人而夏人弗應而耶律大石在西北交通西夏吾舍陝西而會師河北彼必謂我有急難河北不足慮宜先事陝西略定五路既而西夏然後取宋宗翰蓋有意於夏人也議久不決奏請於上上曰康王構當窮其所往而追之俟平宋當立藩輔如張邦昌者陝右之地亦未可置而不取於是專室蒲察師師果婆盧火監戰平陝西銀水可守太原耶律余睹留西京宗翰會東軍於黎陽津遂會唐宗於濮進兵至東平宋知府權邦彥棄家潛逃降其城駐軍東平東南五十里復取徐州先是宋人運江淮金幣皆在徐州官庫盡得之分給諸軍襲慶府來降宋知濟南府劉豫以城降於捷懶乃遣拔離速烏林答泰欲馬五艘康王於揚州未至百五十里馬五以五百騎先馳至揚州城下康王聞兵來已於前一夕渡江矣於是康王以書請存趙氏社稷先是康王嘗致書元帥師稱大宋皇帝構致書大金元帥帳前至是乃貶去大號自稱宋

康王趙構謹致書元帥閣下其四月七月兩書皆然元帥府答其書招之使降於是捷懶宗弼拔離速馬五等分道南伐宗弼之軍渡江取建康入於杭州康王入海阿里蒲蘆渾等自明州行海三百里追之弗及宗弼乃還其後宗翰欲用徐文策伐江南唐宗弼議不合乃止按突合速傳宗翰南伐至潞還太原猶未下即留完顏銀木可總督諸軍經略其地於是宋援兵大至突合速從馬五沃魯破宋兵四千於文水聞宋將黃迪等以兵二十萬櫺于縣之西山復與耿守忠合兵九千擊之殺八萬餘人獲馬及資糧甚衆宋制置使姚古率兵至隆州谷突合速與拔離速以步騎萬餘禦之師中兵十萬據榆次銀木可召突合速使中分其兵而還與活女等合兵八千擊敗之斬師中於殺熊嶺宋將張顯以兵十萬營於文水近郊復與拔離速擊破之潞州復叛宋兵號十七萬骨統突合速拔離速皆被圍突合速應軍士下馬力戰遂潰圍而出及再舉伐宋宗翰命妻室率軍先趨汴梁至至澤州突合速沃魯以五百騎爲前驅往招河陽先據黃河津宋兵萬餘背水陣進擊敗之皆擒於水遂降河陽汴京平諸將西趣陝津略定河東郡縣突合速取惠州遇其援兵擊敗之生擒其將李董濃魂木魯等攻保德未下突合速進兵助擊犂衛拉進遂克其城李董烏谷攻石州屢敗亡其三將軍士死者數百人突合速謂烏谷曰敵皆步兵吾不可以騎戰烏谷曰聞賊挾妖術畫馬以繫其足疾甚奔馬步戰豈可及之突合速笑曰豈有是耶乃令諸軍去馬戰盡殲之按阿魯補傳再伐宋從宗望破敵

於井陘遂下樂城師自大名濟河阿魯補屯於洛州之境時康王畱相州大名府以兵來攻我營阿魯補乘夜以騎二百潛出其後反擊敗之居數日敵復來蘇統制以兵二萬先至阿魯補來其未集以三百騎出戰大敗其衆生擒蘇統制殺之大軍既克汴京攻洛州敗大名救兵遂下洛州從捷報攻恩州還洛人復叛阿魯補先至城下城中出兵來戰敗之執其守佐遂與蒲魯權取信德軍梁王宗瀾取開德阿魯補以步兵五千赴之大名境內多盜命阿魯補留屯其地賊犯莘縣聞阿魯補至即潰去追獲一晝夜至館陶及之皆俘以歸從宗瀾襲康王既渡淮阿魯補以兵四千留和州總督江淮間戍將以討未附郡縣遂攻下太平州隰其城廬州叛以偏帥討之敗其騎六千擒三校明日復破敵二萬於慎縣斬首五百張永合步騎數萬來戰阿魯補兵止二千敵圍之阿魯補潰圍力戰竟敗之追殺四十里獲馬三百而還再攻廬州與迪古不敗敵萬衆於柘皋至廬州騎兵五百出戰敗之斬其二校師還宗瀾趨陝西道聞大名復叛遣阿魯補經略之獨與譚者至城下招之大名果降翌日下令民間兵器悉上送官於是吏民安堵如故爲大名開舊路都統齊國建阿魯補屯兵於汴城外天會十五年詔廢齊國已執劉麟阿魯補先入汴京備變明年除歸德尹按察英傳英本名捷懶幼警敏有志膽初卅角太祖見而奇之年十六父銀木可授以甲使從伐遼常爲先鋒授世襲謀克宗翰自太原還西京銀木可圍守之敵英在行間屢有功夫兵數萬救太原至南關銀木可與弟拔离速完頗要

室等擊之當隘巷間一卒揮刀向拔离速殺英以刀斷其腕一卒復從旁以槍刺之殺英斷其槍追殺之拔太原下河東諸州攻汴京皆有功與都統馬五狗地漢上至上蔡以先鋒破孔家軍啓宗攻開州殺英先登流矢中其口啓宗親視之創未愈強起之攻大名府第功宗瀾第一殺英次之攻東平殺英居最拔离速襲康王於揚州殺英爲先鋒拔离速追宋孟后於江南殺英前行趨潭州宋大兵在常武殺英以選兵薄其城敗千餘人明日城中出兵來戰殺英以五百騎敗之獲馬二百匹遂攻常武拔离速以諸軍爲大陣居其後殺英以五百騎爲小陣當前行即麾兵馳宋軍未軍亂遂大敗之拔离速觀其周旋嘆賞之其後河東郡縣多叛殺英以先鋒攻絳州克之復攻沁州飛砲擊其右脅昇諸營中諸軍攻沁州三日不能下別將骨徹強起殺英指麾士卒遂克之攝河東路都統從諸監軍移刺余賂招西北左部殺英將騎三千五百平其九部獲生口三千馬牛羊十五萬以先鋒破宋吳山軍再戰再勝遂歸宋兵於隘死者不可勝計宋兵逃去宗瀾再取和尚原殺英以本部破宋五萬人遂奪新又口宗瀾留兵守之是夜大雪道路皆冰和尚原宋兵勢重不可徑取宗瀾用殺英策入自傍近高山叢薄躡其後出其不意遂取和尚原殺英請速入大散關自以本部爲殿以備伏兵宗瀾至仙人關殺英先攻之宗瀾止之殺英不止宗瀾以刀背擊其兜鍪使之退殺英曰敵氣已沮不乘此而取之後必悔之已而果然宗瀾嘆曰既往不咎乃班師按斜卯阿里傳伐宋阿里別擊宋兵敗之孟

陽之役阿里扼橋渡力戰明年再伐宋至保州中山累破之進圍真定阿里與妻室餘營乘風縱火焚其樓櫓諸軍畢登克其城師至河上粘割胡撒擊走宋人扼河津兵數千遂渡河諸將分出大名境阿里破敵四百盡殲遂圍汴汴中夜出兵來焚攻具阿里與謀克常孫陽阿禦之其衆大潰還攻趙州降之六年伐宋主取陽穀莘縣敗海州兵八萬人海州降破賊船萬餘於梁山泊招降滕陽東平泰山羣盜盜攻范縣擊走之獲船七百艘宗瀾攻下睢陽與烏延蒲盧渾先以二千人往招壽春具舟淮水上時康民聚賈船四百與壽春相近水列連以騎四百破康民斬敵數千與當海大吳破賊十萬於淮南比至江連破宋兵獲舟二百艘宗瀾至江寧阿里蒲盧渾別降廣德軍先趣杭州去杭十餘里遇宋伏兵二千取我前驅甲士三十人阿里使諸軍去馬搏戰伏兵敗皆遁死於水宗瀾至餘杭而宋主走明州阿里與蒲盧渾以精騎四千襲之破東關兵濟曹娥江敗宋兵於高橋鎮至明州頗失利宋主已入於海乃退軍餘姚宗瀾使當海濟師遂下明州執宋守臣趙伯諤進至昌國縣宋主自昌國走温州由海路追三百餘里弗及遂囑明州與宗瀾俱北歸按劉豫傳豫字彥游景州阜城人宋宣和末仕爲河北西路提刑徙浙西抵儀真喪妻翟氏繼值父憂康王至揚州樞密使張慙薦知濟南府是時山東盜賊滿野豫欲得江南一郡宰相不與忿忿而去捷懶攻濟南有勝者濟南驍將也屢出城拒戰豫遂殺關勝出降遂爲京東東西淮南安撫使知東平府兼諸路馬步軍都總管節制河

外諸軍以豫子麟知濟南府提懷屯兵衝要以鎮撫之初康王既殺張邦昌自歸德奔揚州詔左右副元帥合討之詔曰俟宋平當援立藩輔以鎮南服如張邦昌者及宋主自明州入海亡去宗弼北還乃議更立其人衆議折可求劉豫皆可立而豫亦有心提懷爲豫求封太宗用封張邦昌故事以九月朔旦授策受策之後以藩王禮見使者臣宗翰臣宗輔議既策爲藩輔稱臣奉表朝廷報諭詔命避正位與使人抗禮餘禮並從帝者詔曰今立豫爲子皇帝既爲鄰國之君又爲大朝之子其見大朝使介惟使者始見躬問起居與面辭有奏則立其餘並行皇帝禮天會八年九月戊申備禮冊命立豫爲大齊皇帝都大名仍號北京置丞相以下官敘境內復自大名還居東平以東平爲東京汴州爲汴京降宋南京爲歸德府降淮寧永昌順昌興仁府俱爲州張孝純等爲宰相弟益爲北京留守母翟氏爲皇太后妾錢氏爲皇后錢氏宣和內人也以辛亥年爲阜昌元年以其子麟爲尚書左丞相諸路兵馬大總管宋人畏之待以敵國禮國書稱大齊皇帝豫宰相張孝純鄭億年李穀家人皆在宋宋人加意撫之阜昌二年豫遷都於汴磨宗定陝西太宗以其地賜豫從張邦昌所受封略故也元帥府使蕭慶如汴與豫議以伐宋事豫報曰宋主軍帥韓世忠屯潤州劉光世屯江寧今舉大兵欲往采石渡江而劉光世拒守江寧若由宿州抵揚州則世忠必聚海船截瓜州渡若輕兵直趨采石彼未有備我必徑渡江矣光世海船亦在潤州韓世忠必先取之二將由此必不和以此逼宋主其可以也未

幾宋主閣門宣贊舍人徐文將大小船六十隻軍兵七百餘人來奔至密州界中率將佐至汴豫與元帥府書曰徐文一行久在海中盡知江南利害言宋主在杭州其候潮門外錢塘江內有船二百隻宋主初走入海時於此上船過錢塘江別有河入越州向明州定海口遶還前去昌國縣其縣在海中宋人聚船積糧之處今大軍可先在昌國縣攻取船糧還趨明州城下奪取宋主御船直抵錢塘江口今自密州上船如風勢順可五日夜到昌國縣或風勢稍慢十日或半月可至初宗弼自江南北還宗翰將入朝再議以伐宋事宗翰堅執以爲可伐宗弼曰江南卑濕今士馬困憊糧儲未豐足恐無成功宗翰曰都監務倫安爾及豫以書報而磨宗亦不肯用豫策使提懷帥師至瓜州而還天會十四年制詔齊國與本朝軍民相訴關涉文移暑年止用天會十五年詔廢齊國降封豫爲蜀王豫稱大號凡八年於是置行臺尚書於汴

隆宗天眷三年五月詔元帥府復取河南陝西地宗弼趨汴河南平撤離喝出河中陝西平按金史熙宗本紀天眷三年正月以都元帥宗弼領行臺尚書事五月詔元帥府復取河南陝西地命都元帥宗弼以兵自黎陽趨汴右監軍撤離喝出河中趨陝西是月河南平六月陝西平按宗弼傳宗弼從宗輔定陝西與張浚戰於富平宗弼陷重圍中韓常流矢中目怒拔去其矢血淋漓以土塞創躍馬奮呼搏戰遂解圍與宗弼俱出既敗張浚重於富平遂與阿庫補招降熙河涇原兩路及攻吳玠於和尚原

抵險不可進乃退軍伏兵起且戰且走行三十里將至平地宋軍陣於山口宗弼大敗將士多戰沒明年復攻和尚原克之天會十五年爲右副元帥封瀋王天眷元年提懷宗啓執議以河南之地割賜宋詔遣張遼古等奉使江南明年宋主遣端明殿學士韓肖胄奉表謝遣王倫等乞歸父喪及母韋氏兄弟宗弼自軍中入朝進拜都元帥宗弼察提懷與宋人交通賂遺遂以河南陝西與宋奏請誅提懷復舊疆是時宗弼已誅提懷在行臺復與鶴懷謀反會置行臺於燕京詔宗弼爲太子領行臺尚書省都元帥如故往燕京誅提懷提懷自燕京南走將亡入於宋追至祁州殺之詔諸州郡軍旅之事決於帥府民訟錢穀行臺尚書省治之宗弼兼總其事遂議南伐太師宗幹以下皆曰構家再造之恩不思報德妄自鳴張祈求無厭今若不取後恐難圖上曰彼將謂我不能奄有河南之地且都元帥久在方面深究利害宜即舉兵誅之遂命元帥府復河南疆土詔中外宗弼由黎陽趨汴右監軍撤離喝出河中趨陝西宋岳飛韓世忠分據河南州郡要害復出兵涉河東駐嵐石保德之境以相牽制宗弼遣孔彥舟下汴鄭兩州王伯龍取陳州李成取洛陽自率衆取亳州及順昌府高汝等州相次皆下時暑宗弼遣軍於汴岳飛等軍皆退去河南平時天眷三年也按毅英傳朝廷以河南陝西與宋已而復取之師至耀州宋人每旦出城張旗開隊抵暮而還道隘騎不得逞較英請兵五百薄暮先使五十人趨山嶺令之日旦日視敵出舉幟指其所向乃以餘兵伏山谷間明日城中人出閱如前山

巖旗舉伏兵發宋兵爭馳入城殺英庵軍登城拔宋
幟立金軍旗幟宋軍後至望見之不敵入遂降城中
人亦降宋吳玠擁重兵據涇州涇原以西多應之元
帥撤馬喝欲退守京兆俟河南河東軍殺英曰我退
守吳玠必取鳳翔京兆同華據潼關吾屬無類矣撤
馬喝曰計將安出殺英曰事危矣不如速戰我軍陣
涇之南原宋兵必自西原來殺英與斜補出各以選
騎五百摧其兩翼元帥當其中擊之可以得志監軍
拔離連曰二子當其左右拔離連願當其中元帥據
岡阜多張旗幟為疑兵可以得志撤馬喝從之吳玠
兵果自西原來殺英斜補出擊其左右自旦至午吳
玠左右軍少却拔離連當其前衝擊之遂敗玠軍僅
尸枕藉大洞皆滿自此蜀人喪氣不敢復出關陝遂
定

廢帝正隆六年九月自將伐宋

按金史廢帝本紀正隆六年正月癸丑命參知政事
李通諭宋使徐度等曰朕昔從梁王軍樂南京風土
常欲巡幸今營繕將畢功期以二月末先往河南帝
王巡守自古有之以淮右多隙地欲校獵其間從兵
不踰萬人况朕祖宗陵廟在此安能久於彼乎汝等
歸告汝主令有司宣諭朕意使淮南之民無懷疑懼
庚子詔自中都至河南府所過州縣調從獵騎士二
千一月已未禁扈從縱獵擾民庚申徵諸道水手運
戰船癸亥發中都丙寅大安肅州三月己卯改河南
北邱山為太平山稱舊名者以違制論丁亥將至獲
嘉有男子上書言事斬之所言莫得聞癸巳次河南
府因出獵幸汝州溫湯視行宮地自中都至河南所

過麥皆為空復禁扈從母輒離次及游賞飲酒犯者
罪皆死而莫有從者詔內地諸猛安赴山後牧馬俟
秋並發四月丁未詔百官先赴南京治事尚書省樞
密院大宗正府勸農司大府少府皆從行吏戶兵刑
部四方館都水監大理司官各留一員以養書樞密
院事高景山等為賀宋生日使戊申詔汝州百五十
里內州縣量遣商賈赴溫湯置市詔有司移問宋人
蔡頴壽諸州對境創置堡戍者庚戌發河南府丁卯
次溫湯誠恩從母輒過汝水上獵奔鹿突之墮馬嘔
血數日遣使徵諸道兵五月契丹諸部反遣右將軍
蕭亮刺等討之六月癸卯命樞密使僕散思恭西京
留守蕭懷忠將兵一萬討契丹諸部上自汝州如南
京壬戌次南京近郊左丞相張洎率百官迎謁癸亥
上備法駕入於南京七月己丑賜從駕從行從軍及
千戶謀克錢帛大括天下鷹犬殺亡達耶律氏宋趙
氏子男凡百三十餘人八月壬寅單州賊杜奎據城
叛遣都點檢耶律湛右驍騎副都指揮使大磐討之
以樞密副使白彥恭為北面兵馬都統開封尹紇石
烈志寧副之中都留守完顏敦亨為西北面兵馬都
統西北路招討使唐括宇古的副之討契丹九月大
名府賊王九據城叛眾至數萬所至盜賊蜂起大者
連城邑小者保山澤或以十數騎張旗幟而行官軍
莫敢近上又惡聞盜賊事言者輒罪之上自將三十
二總管兵伐宋進自壽春以太保樞密使昂為左領
軍大都督尚書右丞李通副之尚書左丞紇石烈良
弼為右領軍大都督判大宗正局延蒲盧軍副之御
史大夫徒單貞為左監軍同判大宗正事徒單永年

為右監軍左宣徽使許霖為左都監河南尹蒲察幹
論為右都監皆從工部尚書蘇保衡為浙東道水軍
都統制益都尹鄭家副之由海道徑趨臨安太原尹
劉萼為漢南道行營兵馬都統制濟南尹僕散烏者
副之進自蔡州河中尹徒單合喜為西蜀道行營兵
馬都統制平陽尹張中彥副之由鳳翔取散關駐軍
以俟後命武勝武平武捷三軍為前鋒徒單貞別將
兵二萬人淮陰甲午上發南京詔皇后及太子光英
居守尚書令張浩左丞相蕭玉參知政事敬嗣驛留
治省事丙申將士自軍中亡歸者相屬於道易蘇館
猛安福壽東京謀克金住等始授甲於大名即舉部
亡歸從者眾至萬餘皆言於路曰我輩今往東京
立新天子矣十月乙巳陰迷失道二鼓始達營所丙
午東京留守曹國公烏祿即位於遼陽改元大定大
赦數海陵過惡弒皇太后徒單氏殺太宗及宗翰宗
鄒子孫及宗本諸王毀上京宮室殺遼豫王宋天水
郡王郡公子孫等數十事丁未大軍渡淮將至廬州
獲白鹿以為武王白魚之兆漢南道劉萼取通化軍
蔣州信陽軍徒單貞敗宋將王權於盱眙進取揚州
前鋒軍至投寨宋戌兵皆遁去敗宋兵於蔚子橋敗
宋兵於巢縣斬二百級至和州王權復以兵千餘來
襲射却之翼日雨宋人夜焚其積聚遁去詰旦追之
宋人逆戰猛安韓棠軍却遂失利溫都與刺奔北武
捷軍副總管阿散率猛安謀克力戰却之王權退保
南岸癸亥上次和州阿散等進階賞賚有差西蜀道
徒單合喜駐散關宋人攻秦州懷家城德順州克之
浙東道蘇保衡與宋人戰於海道敗績副統制鄭家

死之十一月庚午左司郎中兀不喝等聞赦入白東京即位改元事上拊髀嘆曰我本欲滅宋後改元大定豈非天命乎出其書示之即預志改元事也以勸農使完顏元宜爲浙西道兵馬都統制刑部尚書郭安國副之上駐軍江北遣武平總管阿鄰先渡江至南岸失利上還和州遂進兵揚州甲午會舟師於瓜洲渡期以明日渡江乙未浙西兵馬都統制完顏元宜等軍反帝遇弑崩按石抹十傳海陵伐宋十爲武毅軍都督總管由別道進兵遇宋伏兵數百人以三百騎擊敗之遂下信陽軍及羅山縣至夔州宋守將棄城逃因取其城項之軍士皆欲逃歸闕于山猛安結漢軍三猛安謀克劫十還舍於樊水之曲十乃陰約漢軍將吏乘夜掩殺闕于山猛安復將其軍按蒲察世傑傳正隆四年調諸路兵伐宋年二十以上五十以下皆籍之他使者唯恐不如詔書得數多世傑往曷懶路得數少海陵怪問之對曰曷懶地接高麗今若多籍其丁卽有緩急何以爲備海陵喜曰他人用心不能及也除同知安國軍節度使事賜銀二百五十兩絹緜六百匹馬二匹是時徵發不已民不堪命犯法者衆那人無長吏獄囚積四百餘人世傑到官月餘決遣略盡入爲宿直將軍以事往胡里改路還奏契丹部族大抵皆叛百姓驚擾不安今舉國南伐賊若乘虛入據東土根本之地雖得江淮無益也宜先討平契丹南伐未晚海陵不悅曰詔令已出矣今以三萬兵還將屯中都以北足以鎮壓世傑又曰若東土大族附於賊恐三萬衆未易當也海陵不聽及發汴京授鄭州防禦使領武捷軍副總管大

軍渡淮世傑以軍三千護糧餉東下敗宋兵數千人奪其戰船甚衆至和州境擊宋兵五萬人走之明日使其子兀迭領二百八十騎爲應兵自領八百騎前戰連射六十餘人皆應弦而斃宋兵遂奔潰海陵欲觀水戰使世傑領水軍百人試之宋人舟大而多世傑舟小乃急進至中流取勝而還按烏延補盧渾傳海陵伐宋以本官行右領軍副都督事師次西采石海陵欲渡江蒲盧渾曰宋軍船高大我船卑小恐不可遽渡海陵怒曰汝昔從梁王追趙構於海島皆大舟耶今乃沮吾兵事設不能遽渡江不過有少損耳爾年已七十縱自愛豈有不死理耶明日當與奔賭先濟旣而復止之乃遣別將先渡江舟小不可戰遂失利而猛安及兵士二百餘人皆陷沒海陵遇害軍還

欽定古今圖書集成經濟彙編戎政典

第一百七十七卷目錄

兵略部彙考七十五

金三
世宗大定二年正月遣完顏謀衍討蕭窩幹九月完顏思敬獲窩幹契丹平

戎政典第一百七十七卷

兵略部彙考七十五

金三

世宗大定二年正月遣完顏謀衍討蕭窩幹九月完顏思敬獲窩幹契丹平

按金史世宗本紀大定元年十一月遣權元帥左都監吾扎忽右都監神土德廣寧尹僕散渾坦討契丹諸部二年正月遣右副元帥完顏謀衍討蕭窩幹二月乙未尚書兵部侍郎溫敦木剌等與窩幹戰敗於勝州四月己巳右副元帥完顏謀衍等敗窩幹於長梁乙亥右副元帥完顏謀衍復敗窩幹於霧靈河壬辰詔征契丹部將士曰應契丹與大軍未戰而降者不得殺傷仍安撫之復招誘來降者除奴婢以已擄為定其親屬使各還其家仍官為贖之五月戊戌遣元帥左監軍高忠建會北征將帥討契丹己亥以臨海軍節度使紇石烈志寧為元帥右監軍右副元帥完顏謀衍元帥右監軍完顏福壽坐逗遛召還京師皆罷之六月庚午以尚書右丞僕散忠義為平章

政事兼右副元帥經略契丹詔出內府金銀給征契丹軍用戊寅詔居庸關古北口稽察契丹奸細捕獲者加官賞壬午右副元帥僕散忠義與窩幹戰於花道康寅僕散忠義大敗窩幹於曩嶺西陷泉獲其弟曩壬辰以西南路招討使完顏思敬為元帥右都監七月甲寅詔論契丹八月丁丑詔元帥右都監完顏思敬以所部軍與大軍會討窩幹九月乙未詔尚書右丞紇石烈良弼以便宜招撫契丹之叛者庚子元帥右都監完顏思敬獲契丹窩幹餘衆悉平按僕散忠義傳窩幹僭號兵久不決右副元帥完顏謀衍既敗之於霧靈河乃擁衆食據掠不追討而縱其子糾哥暴橫軍中士卒不用命賊得水草善地官軍踵其遺餘水草乏馬益弱賊輒出山西久無功忠義請曰契丹小寇不時殄滅致煩聖慮臣聞主憂臣辱欲願效死力除之世宗大悅即召還謀衍勸歸糾哥本貫拜忠義平章政事兼右副元帥封榮國公賜以御府貂裘寶鐵吐鶻弓矢大刀具裝對馬及安山鐵甲金牌詔曰軍中將士有犯連職之外並以軍法從事有功者依格遷賞諸將士曰兵久駐邊陲盡費財用百姓不得休息今以右丞忠義為平章政事右副元帥宜同心戮力無或弛慢忠義至軍賊陷靈山同昌惠和等縣陣而西行忠義追之及於花道宗亨為左翼宗叙為右翼與賊夾河而陣賊渡河先攻左翼偏敗右翼救之賊引去窩幹乃以精銳自隨以廉兵護其母妻輜重由別道西走期於山後會集追復及於曩嶺西陷泉與賊遇時昏霧四塞跬步莫覩物色忠義禱曰往寇肆暴殺戮無辜天不助惡當為開

霽冥已昏霧廓然及戰忠義左據南岡為億月陣右遮而北大敗之獲其弟曩俘生口三十萬獲雜畜十餘萬車帳金珍以鉅萬計悉分諸軍賊走趨奚地遣將追躡至七渡河又敗之既踰渾嶺復進軍襲之望風奔潰遁入奚中將者相屬於路詔忠義曰卿材能素著果能大破賊衆朕甚嘉之今遣勞卿如朕親往賜卿御衣及骨脂犀具佩刀通犀帶等就以俘獲均散軍士窩幹既敗遂入於奚中高忠建敗奚於柁柁山移刺道取抹曰諸奚之家抹白奚乃降窩幹勢益弱紇石烈志寧獲賊將稍合伴縱之使歸約以捕窩幹自贖仍許以官賞稍台仕與其黨執窩幹詣完顏思敬降契丹平按完顏思敬傳大定二年授西南路招討使封濟國公兼大德軍節度使俄為北路都統佩金牌及銀牌二西北路招討使事括古底副之將本路兵二千會古底視地形衝要或於狗渾屯駐伺契丹賊出沒之地置守禦遠斥候賊至則戰不以晝夜為限詔字古底曰爾兵少思敬未至不得先戰僕散忠義敗窩幹於陷泉詔思敬選新馬三千備追襲窩幹入於奚中思敬為元帥右都監以舊領軍入奚地張哥宅會大軍討之敗偽節度特末也獲二百餘人賊降將稍合仕與其黨神獨幹執窩幹并其母徐章妻子弟姪家屬及金銀牌印詣思敬降思敬獻俘於京師按宗叙傳契丹攻軍昌宗叙止有女直渤海騎兵三十漢兵百二十人自將擊之遇賊千餘騎漢兵皆散走宗叙與女直渤海三十騎盡銳力戰身被二創所乘馬中箭而仆遂為所執居百餘日會賊中有臨潢民移刺阿塔等盜馬授之得脫歸

宗叙陷賊久盡得其虛實見元帥完顏謀行平章政事完顏元宜謂之曰賊衆烏合無紀律破之易爾於是帥府欲授軍職宗叙見謀行貪擄掠失事機欲歸白上不肯受職曰我有機密須面奏是夕乃遁去至廣寧矯取驛馬馳至京師而帥府先事以聞上遣中使詰之曰汝爲節度不度衆寡戰敗被獲幸得脫歸乃拒帥府命輒自乘傳赴都朕姑置汝罪可速還軍併力破賊宗叙附奏曰臣非辭難者事須面奏不得不來遂召入乃條奏賊中虛實及諸軍進退不合事機狀詔大臣議皆以其言爲然是時已詔僕散忠義代謀行爲元帥進討於是拜宗叙爲兵部尚書以本職領左翼都統率宗寧烏延查刺烏林答刺撒兵各千人號三萬佐忠義軍至花道遇賊與戰右翼都統宗寧先敗走忠義亦引却宗叙勒本部遮擊之麾帳下士三百拾馬步戰賊不得逞大軍整列復至合勢擊之遂敗去而元帥右監軍紇石烈志寧率軍至追及窩幹於陷泉大破之復與志寧及徒單克寧追至七渡河復大敗之元帥忠義遂留宗叙自從賊平入爲右宣徽使按謀行傳二年正月謀行率諸軍討窩幹會兵於濟州合甲士萬三千人過泰州至木虎崖乃捨輜重持數日糧輕騎追之是時窩幹新敗於泰州將走濟州謀行兵至長溪南獲其謀者知敵將由別路趨糧運遂分軍往迎之敵吏見者來降謀行用其計因夜往邀敵輜重忽大風不能燧火路暗莫相辨比曉纔行三十餘里將至敵營將士少憩謀行率善射者數十騎往觀之而都統志寧克寧等已敗敵衆二萬餘於長溪追殺甚衆敵遂西遁志寧軍

先追及於霧靈河急擊敗之而謀行貪擄掠不復追以故敵得縱去遂涉懿州界陷靈山同昌惠和等縣窺取北京西攻三韓縣惟克寧軍追躡謀行託馬弱引還懿州上聞之下詔切責謀行以僕散忠義爲右副元帥代之紇石烈志寧爲右監軍代完顏福壽而謀行于斜哥暴橫軍中詔勒歸本貫謀行至京師以爲同判大宗正事世宗責之曰朕以汝爲將汝不追賊當正汝罪以汝篡室有大功特免汝死汝雖非宗室而授此職汝其勉之未幾連頻路軍士木里古告斜哥寄書與謀行謀反有司并上其書世宗察其誣詔勒告者木里古款伏誅之召謀行謂之曰人有告卿子爲反謀者朕知卿必不爲此今告者果自服罪宜悉此意初窩幹方熾上使溫迪罕阿魯帶守古北口及窩幹敗於陷泉入於奚中率諸奚攻古北口阿魯帶因其妻生日輒離軍六十里賊衆聞之來襲殺傷士卒甚衆阿魯帶坐除名詔謀行蒲察烏里雅蒲察迪以兵三千會舊屯兵擊之擒賊黨猛安合住未幾窩幹平乃還按丞相襄傳大定初契丹叛從左副元帥謀行以本部兵討賊戰於肇州之長溪囊先登屢戰足中流矢裹創以戰氣愈厲七戰皆勝謀行握其手曰今日之捷皆公力也賊走渡霧靈河追及之所駐地多草賊乘風縱火囊亦縱火立空地以俟戰十餘合賊益困囊謂謀行曰今不乘此平殄後將有悔謀行然之襄率衆搏戰大敗之俘獲萬計會朝廷遣平章政事僕散忠義代謀行將襄復從忠義追賊至梟嶺西之陷泉及之率右翼身先奮擊賊大潰人馬相蹂而死陷泉幾平賊酋窩幹僅與數十騎

遁去卒就擒按徒單克寧傳克寧從右副元帥完顏謀行討契丹窩幹趨濟州謀行用契丹降吏者計策襲賊輜重克寧與紇石烈志寧爲殿與賊遇於長溪謀行使伏兵於左翼之側賊二萬餘躡吾後又以騎四百餘突出左翼伏兵之間欲繞出陣後攻我克寧與善射二十餘人拒之衆曰賊衆我寡不若與伏兵合擊或與大軍相依可以萬全克寧曰不可若賊出陣後則前後夾擊我敗矣大軍不可俟也於是奮擊賊乃却左翼萬戶襄與大軍合擊之賊遂敗追奔十餘里二年四月一日也越九日復追及賊於霧靈河左翼軍先與賊戰克寧以騎三千追掩十五里賊迫澗不得亟渡殺傷甚衆賊收軍返婦大軍尚未至克寧領軍上下馬射賊遂引而南是時窩幹已再北元帥謀行利擄掠駐師白溝世宗訝其持久遣問之謀行曰賊騎壯我騎弱此少駐所以完養馬力也不然非益萬騎不可勝克寧奮然而言曰吾馬固不少但帥不得人耳其意常利擄掠賊至則引避賊去則緩追之故賊常得善牧而我常捨其蹂踐之餘此吾馬所以弱也今誠能更置良帥雖不益兵可以有功不然騎雖十倍未見其利也朝廷如其議召還謀行以平章政事僕散忠義兼都元帥帥將發賊聲言乞降克寧曰賊初困蹙且無降意所以揚言者是欲緩吾帥期也不若攻其未備賊若挫衄則其降必速如其不降乘其怠而急擊之可一戰而定也忠義以爲然乃與克寧出中路遂敗賊兵於羅不魯之地賊奔七渡河負險爲柵克寧視知賊柵之背其勢可上乃潛師夜登俯射之大軍自下攻賊潰皆遁去契

總戎事居南京節制諸將將大定二年也忠義將行
陸辭上諭之曰彼若歸侵疆貢禮如故則可罷兵既
至南京簡閱士卒分屯要害諸將嚴守備使左副
元帥志寧移牒宋樞密使張浚其略曰可還所侵本
朝內地各守自來畫定疆界凡事一依皇統以來舊
約帥府亦當解嚴如必欲抗衡請會兵相見宋宣撫
使張浚復書志寧曰疆場之一彼此兵家之或勝
或負何常之有當置勿道謹遣官寮敬造麾下議之
是時已復泗壽鄧州諸城其民於宿亳蔡州
上曰三州本吾土也得之則已忠義使將士擇善水
草休息且牧馬俟來歲取淮南初世宗詔諸將由泗
壽唐鄧三道進發宋人聞之即自方城葉縣以來田
野皆燒夷之使無所芻牧忠義命唐鄧道軍芻牧許
汝間三年忠義入奏事遂以丞相兼都元帥無何還
軍中忠義與宋相持日久慮夏雨弓力易減宋或
乘時見攻豫選勁弓萬張於別庫及自汴赴關議事
次潯州宋將李世輔果掩取靈壁虹縣遂陷宿州忠
義使人還汴發所貯勁弓給志寧軍與宋人戰遂大
捷竟復宿州忠義還以書責宋宋同知樞密院事洪
遵計議官盧仲賢遣使二輩持與志寧書及手狀歸
海泗唐鄧州所侵地約為叔姪國報書期十一月使
入境宋又使人來言禮物未備請俟十二月行成忠
義以其事馳奏請定書式且言宋書如式則許其入
界如其不然勢須遣還本國復稟其主若是往復動
遙七八十日恐誤軍馬進取世宗以詔諭之曰若宋
人歸疆歲幣如昔可免奉表稱臣世為姪國忠義
乃貽書宋人前後凡七宋人他託未從忠義移大軍

歷淮境遣志寧率偏師渡淮取盱眙濠州和滁等州
宋人懼而世宗意天下厭苦兵革思與百姓休息詔
忠義度宜以行四年正月忠義使右監軍宗叙入奏
將近暑月乞俟秋涼進發詔從之 按徒單合喜傳
大定二年復為陝西路統軍使未幾改元帥右都監
表陳伐宋方略詔許以便宜從事轉左都監破宋兵
於華州是時宋吳玠侵古鎮分據散關和尚原神又
口玉女潭大蟲嶺石壁寨寶雞縣兵十餘萬陷河州
鎮戎軍合喜乞濟師詔以河南兵萬人益之合喜遣
丹州刺史赤蓋胡速魯改以兵四千守德順吳玠以
二十萬人圍之統軍都監石抹迭勒將兵萬人破宋
兵於河州還過德順駐兵平涼求益兵於合喜以解
德順之圍合喜遣萬戶完顏習尼列大良順寧州刺
史顏盡門都各將本部兵合二萬人以順義軍節度
使烏延蒲離黑統押之與迭勒會吳玠聞之使偏將
將兵五千人來迎前鋒特里失烏也奚王和尚擊敗
之追至德順城南小溪邊蒲離自將大軍蔽岡阜而出
烏也等馳擊之迭勒蒲離黑繼至併力戰日已暮兩
軍不相辨乃解已而蒲離報云宋主遣使至兩國講和
請各罷兵蒲離遂遁去蒲離黑亦引軍還自宋兵圍城
至是凡四十餘日乃解初德順在圍中押軍猛安溫
敦蒲里海身先士卒力戰未嘗少挫及救兵至圍解
蒲里海之功為多項之吳玠復來犯陝西州郡兵十
餘萬詔以兵七千益合喜兵號二萬人慶陽尹烏延
蒲離奴延安尹高景山分領之彰化軍節度使璋通
遠軍節度使烏延吾里補寧州刺史移刺高山奴京
兆少尹宗室泥河恩州刺史完顏謀良虎皆備軍前

任使宋人驅率商號及華山南山之民五萬人來圍
華州押軍萬戶裴滿授刺欲堅壁守之猛安移刺沙
里刺曰宋兵難多半是居民不習戰不如擊之於是
授刺以騎兵千人敗宋前鋒追至其大軍亦敗斬首
五十餘級已而璋敗宋姚良輔軍於原州宋成軍自
寶雞以西至於大蟲嶺皆自散關遁去頃之吳玠聞
赤蓋速魯改烏延蒲里黑軍已去德順率兵號二十
萬復據德順陷鞏州臨洮府臨洮少尹紇石烈鑒洽
死之詔贈官一階賜錢五百貫合喜以璋權都統習
泥列權副統將兵二萬攻之連戰宋兵雖敗璋待其
衆不肯去分其兵之半守秦州合喜乃自行駐水洛
城東自六盤山西抵石山頭分兵守之當德順秦州
之兩間斷其餉道璋乃引去都統璋副統習尼列邀
擊宋經略使荆阜自上八節至甘谷城殺數千人習
尼列擒宋將朱末以下將校十二人宋張安撫守德
順亦棄城遁速魯改邀擊之所殺過半擒將校十餘
人遂復德順州宋之守秦州者亦自退高景山定商
號宗室泥河取環州於是臨洮鞏秦河隴蘭會原洮
積石鎮戎德順商號環華等州府一十六盡復之陝
西平 按蒲察世傑傳大定初世傑復取陝州敗宋
兵石壕鎮復敗宋援兵三千人遂圍陝州宋兵三千
自潼關來世傑以兵二百四十迎擊之射殺十餘人
宋兵敗走復敗之於土壕山生擒一將復以兵三百
至斗門城遇宋兵萬餘宋將三人挺槍來刺世傑世
傑以刀斷其槍宋兵乃退復以四謀克軍敗宋兵於
土華復圍陝州世傑書授甲佩刀腰箭百隻持槍躍
馬往來軍中敵人見而異之曰眞神將也親率選卒

二百餘人穴地以入城遂拔再破宋軍三萬人復號州未幾爲衛州防禦使改河南路統軍都監召赴關上慰勞良久除西北路副統馬弓矢佩刀從僕散忠義討契丹賊平改華州防禦使與徒單合喜經略隴右合喜復德順至東山堡宋兵捍絕修路世傑擊走之追至城下城中出兵約二萬餘敗之殺傷甚衆宋經略使荆襄秦德順走世傑與左都監璋追破其軍改亳州防禦使按徒單克寧傳治兵伐宋右丞相僕散忠義駐南京節制諸軍左副元帥紇石烈志寧經略邊事克寧改益都尹兼山東路兵馬都總管行軍都統四年元帥府欲遣左都監璋以兵四千由水路進詔曰可付都統徒單習顯仍益兵二千擇員將副之璋可經略山東於是克寧出軍楚泗之間與宋將魏勝相拒於楚州之十八里口魏勝取敗舟擊其底貫以大木列植水中別以船載巨石貫以鐵鍊沈之水底以塞十八里口及淮渡舟路以步兵四萬人屯於淮渡南岸運河之間克寧使斜耶和尚選善游者沒水繫大繩植木上數百人於岸上引繩曳一植木皆拔出之撤去沈船進至淮口宋兵來拒隔水矢石俱發斜耶和尚以竹編籬捍矢石復拔去植木沈船師遂入淮與宋兵奪渡口合戰數四猛安長壽先行薄岸水淺先率勁卒數人涉水登岸敗其津口兵五百人餘衆皆濟宋兵四百餘自清河口來鎮國上將軍蒲察阿里合憲以步兵百人禦之克寧自與扎也銀木可五騎先行六七里與戰銀木可先登奮擊敗之宋大兵整陣來拒克寧麾兵前戰自旦至午宋兵敗踰運河爲陣餘衆數千皆走入營中克寧

使以火箭射其營舍盡焚踰河撤橋與其大軍相會隔水射之宋兵不能爲陣猛安鈔兀以六十騎擊宋騎兵千餘不利少却克寧以猛安賽刺九十騎橫擊之宋兵大敗追至楚州射殺魏勝遂取楚州及淮陰縣是役也賽刺功居多是時宋屢遣使請和僕散忠義紇石烈志寧約以世爲叔姪國割還海泗唐鄧四州宋人尚遷延有請及克寧取楚州宋人乃大懼一如約按丞相襄傳宋犯南部襄爲穎壽都統率甲士二千人渡潁水敗敵兵五千復潁州生擒宋帥楊思太濠州宋將郭太尉退保橫澗山襄攻之伏弩射中其膝督攻愈急拔之獲郭太尉既而趨滁州襄爲先鋒將至清流關得宋偵者知敵欲三道夜出掩我不備左副元帥紇石烈志寧問計襄曰今兵少地隘儻不得關敵至我無所據必先取之曰我與若執往襄曰元帥國家大臣詎宜輕動襄當爲公往取志寧建之襄率騎二千分二道一由衡路自以千兵間道潛登既近敵始覺襄攻克之據其關志寧履行戰地顧謂曰克敵於不可勝之地真天下英傑也及宋乞盟班師召爲拱衛直都指揮使按李木魯定方傳大定二年宋人陷汝州河南統軍使宗尹遣定方將兵四千往取之汝州東南及北面皆山林險阻不可以騎軍戰是時宋兵由潁路出沒定方至襄城得敵虛實遂牒諭汝州屬縣曰我率許州戍兵十二萬徑取汝州爾等可備糧草二十萬使人揚言欲據要路絕宋兵往來既而定方引兵趨潁路宋人聞之果棄城遁去定方至魯山境知宋兵已去遂遣輕騎二百追至布祿叉擊敗之遂復汝州授鳳翔尹按蒲

察幹論傳大定二年幹論仍爲河南尹兼河南路都統軍使宋以萬人據壽安縣嵩州刺史石抹突刺押軍萬戶徒單養補以騎兵三百巡邏遇於縣東請師於幹論幹論使猛安完顏鶴沙虎率七百人助之宋兵多突刺使士卒下馬跪而射之宋兵不能當走入縣城突刺進逼之宋人棄城去追及於鐵索口復大敗之遂復壽安按夾古查刺傳大定二年投查刺景州刺史遷同知京兆尹時彰化軍節度使宗室璋等與宋將吳璘相拒於德順州元帥左都監徒單合喜遣查刺與諸將議破敵策璋等議曰我兵雖屢勝而敵兵不退者知我軍少故也須都監親至方可破敵於是合喜領兵四萬至遂下德順州按紇石烈志寧傳宋將黃觀察據蔡州楊思據穎昌志寧使完顏王祥復取蔡州黃觀察遁去完顏襄攻穎州拔之獲楊思乃移牒宋樞密使張浚使依皇統以來舊式浚復書曰謹遣使者至麾下議之是時宋得高幹黨人括里扎八用其謀攻靈壁虹縣都統奚撻不也叛入於宋遂陷宿州括里等謀曰北人恃騎射戰勝攻取今夏月久雨膠解弓不可用故李世輔與之來攻宿州歸德尹宋甲撤速宿州防禦使烏林答刺撒萬戶溫迪罕速可裴滿裏塞不守約束不肯堅壁俟大軍輒出與戰由是軍敗城陷刺撒遣人入宋界貿易交通李世輔受其路遺久之事覺伏誅諫克養一坐故知不舉除名撻不也母幹里懶緣坐當死上曰撻不也背國棄母殺之何益朕閱其老遂原其死詔撤速刺撒速可裴室各杖有差撤速刺撒仍解職世輔自以爲得志日與括里扎八置酒高會志寧以精

兵萬人發自睢陽趨宿州中使來督軍志寧附奏曰此役不煩聖慮臣但恐世輔遁去耳世輔聞志寧軍止萬人甚易之曰當令十人執一人也括里等問候人所見上將旗幟知是志寧謂世輔曰此撤合聲監軍也軍至萬人慎毋輕之五月二十日志寧將至宿州仍令從軍盡執旗幟駐州西為疑兵三猛安兵駐州南志寧自以大眾駐州東南既其歸路世輔望見州西兵旗蔽野果謂大軍在州西而謂東南兵少不足慮先擊之以步騎數萬皆執盾背城為陣外以行馬捍之使別將將兵三千出自東門欲自陣後攻志寧軍萬戶蒲查擊敗之右翼萬戶夾谷清臣為前行撤毀行馬短兵接戰世輔軍亂諸將乘之追殺至城下是夕世輔盡按敗將斬之其統制常吉懼而來奔盡得城中虛實明日世輔悉兵出戰騎兵居前志寧使夾谷清臣當之世輔別將以五六千騎為一隊與清臣遇清臣踵擊之宋將不能反施志寧麾諸軍力戰世輔復大敗走者自相蹈藉僵尸相枕爭城門而入門填塞人人自阻遂緣城而上我軍自濠外射之往往墮死於隙間殺騎士萬五千步卒三萬餘人輔世乘夜脫走明日夾谷清臣張師忠追及世輔斬首四千餘赴水死者不可勝計

章宗泰和六年十月詔僕散揆督諸道兵伐宋按金史章宗本紀泰和六年春正月癸未朔宋高麗夏遣使來賀丁亥宋使陳克俊等朝辭遣御史大夫孟鑄就館諭克俊等曰大定初世宗皇帝許宋世為姪國朕遵守遺法和好至今豈意爾國屢有盜賊犯我邊境以此遣大臣宣撫河南軍民及得爾國有司

公移稱已罷黜邊臣抽去兵卒族方以天下為度不介小嫌遂罷宣撫司未幾盜賊甚於前日比來羣臣屢以爾國淪盟為言朕惟和好歲久委曲涵容恐姪宋皇帝或未詳知若依前不息臣下或復有云朕雖兼愛生靈事亦豈能終已卿等歸國當以朕意具言之汝主丙申宋與元守將吳曦遣兵圍抹熱龍堡部將蒲鮮長安擊走之斬其將辛丑更定保伍法庚戌宋人入散卒谷陝西統軍判官先額擄刺鞏州兵馬鈐轄完顏七斤約宋西和州守將會境上俄伏發為所襲木波部長趙彥雄等七人死焉擄刺馬陷渾中流矢七斤僅以身免三月己酉宋人攻靈璧南京按察使行部至縣匿民金得免四月丙辰宋人圍壽春壽春告急於亳同知防禦使賢聖奴將步騎六百赴之乃退癸亥尚書省奏河南統軍司言統軍使統石烈子仁等遣嚴整閭忠周秀輩入襄陽規敵陰事還言皇甫斌遣兵四萬規取鄧以我叛人田元為鄉導三萬人規取唐以張貞張勝為鄉導俱授統領官故不敢無備乃聚鄭汝陽翟之兵於昌武以南京副留守兼兵馬副都總管統石烈教統之聚毫陳襄邑之兵於歸德以河南路副統軍徒單鐸統之而自以所部兵駐汴及擬山東西路軍七千副統軍統石烈執中駐大名河北東西路軍萬七千屯河南皆給以馬有老弱者易其人皆從之甲子宋人攻天水界乙丑入東柯谷部將劉鐸戰敗之丙寅詔平章政事僕散揆領行省於汴許以便宣從事升諸道統軍司為兵馬都統府以山東東西路統軍使統石烈執中為山東西路兵馬都統使定海軍節度使副都統軍

使完顏撒剌剌之陝西統軍使充為陝西五路兵馬都統使通遠軍節度使胡沙知臨洮府事石抹仲溫副之河南皆聽揆節制如故盡徵諸道籍兵辛未宋吳曦攻來遠鎮之蘭家嶺丙子詔內外職官納馬各有數丁丑宋人入新息內鄉又入泗州戊寅入襄信己卯入虹縣庚辰入潁上五月壬午宋李爽圍壽州田俊邁入蘄縣秦說攻蔡州防禦使完顏佛住敗之又入金城海口殺長山尉執二巡檢以去丙戌以宋畔盟出師告於天地太廟社稷丁亥親告於行慶宮戊子平章政事僕散揆兼右副元帥陝西兵馬都統使充為元帥右監軍知真定府事烏古論誼為元帥左都監辛卯以征南詔中外賜唐州刺史吾古孫兀屯總押鄧州兵馬事完顏江山爵各二級蔡州防禦使完顏佛住爵一級餘賞賚有差又以非嚴整上憂必為所誤授整嵩州巡檢使賜爵八級錢二萬兩上以宋兵方熾東北新調之兵未集河南之眾不足支命河北大名北京天山之兵萬五千屯真定河間清獻等以為應壬辰諭尚書省今國家多故凡言軍國利害五品以上官以次奏陳朕將親問之六品以下則具帖子以進癸巳以樞密副使完顏匡為右副元帥宋田俊邁攻宿州安國軍節度副使納蘭邦烈等出兵擊之邦烈中流矢宋郭倬李汝翼以衆繼至遂圍宿州壬寅納蘭邦烈等擊敗之俊邁退保於斬癸卯執俊邁於斬甲辰皇甫斌攻唐州刺史吾古孫兀屯拒之行省遣泌陽副巡檢納合軍勝來援遂擊敗之六月辛亥平章政事揆報斬之捷并送所獲宋將田俊邁至闕上降詔褒賜納蘭邦烈烈貢納蘭邦烈史

挖搭等爵貴有差宋將李爽以兵圍壽州刺史徒單義拒守踰月不能下壬子河南統軍判官乞住及買哥等以兵來援義出兵應之爽大敗同知軍州事蒲烈古中流矢死丁巳詔彰德府宋韓侂胄祖琦墳母得損壞仍禁樵採庚申右翼都統完顏賽不敗宋曹統制於漆水壬戌平章政事揆報壽州之捷乙亥宋吳曦攻鹽州戍將完顏王喜敗之秋七月癸未宋商榮復攻東海縣令完顏十僧復敗之還中伏矢死甲午宋統制戚春以舟師攻邳州刺史完顏從正敗之春赴水死斬其副夏統制吳曦兵五萬入秦州陝西路都統副使承裕等敗之八月庚戌山東帥來報邳州之捷丙寅詔設平南諸將軍辛未宋程松鑾取方山原蒲察員破走之九月辛巳元帥右都監蒲察員取和尚原臨洮蕃部遵寧獻駕栗戰馬以助軍庚寅勅行尚書省有方略出衆武藝絕倫才幹辦事工巧過人者其招選之甲辰宋吳曦將馮興楊雄李珪等入秦州陝西都統副使承裕等擊破之斬楊雄李珪冬十月戊申朔平章政事僕散揆督諸道兵伐宋庚戌揆以行省兵三萬出賴壽河南路統軍使統石烈子仁以兵三萬出涇口元帥匡以兵二萬五千出唐鄧左監軍統石烈執中以山東兵二萬出清口右監軍充以關中兵一萬出陳倉右都監蒲察員以岐隴兵一萬出成紀蜀漢路安撫使完顏綱以漢蕃步騎一萬出臨潭臨洮路兵馬都總管石抹仲溫以隴右步騎五千出鹽川隴州防禦使完顏璘以本部兵五千出來遠十一月壬午完顏匡攻下秦陽丁亥僕散揆克安豐軍取霍丘縣統石烈執中克淮陰遂圍楚

州庚寅完顏匡克光化軍及神馬坡壬辰僕散揆大廬江宋督視江淮兵馬事丘岳遣劉祐來乞和統石烈子仁克定遠縣乙未完顏匡取隨州丙申統石烈子仁克滁州戊戌完顏匡圍德安別以兵徇下安陸應城雲夢孝感漢川荊山等縣庚子完顏綱圍祁州降之宋丘岳遣林拱持書乞和辛丑完顏匡攻襄陽破其外城僕散揆克含山蒲察員克天水統石烈子仁徇下來安全椒二縣壬寅完顏綱徇下荊川閬川等城癸卯丘岳復遣宋顯等以書幣乞和乙巳完顏綱克宕昌丙午蒲察員克西和州十二月丁未朔完顏匡克宜城僕散揆攻和州史挖搭中流矢死壬子完顏綱次大潭縣降之蒲察員克成州癸丑宋大尉昭信軍節度使四川宣撫副使吳曦納款於完顏綱戊午右監軍充攻下大散關己未統石烈子仁克真州丘岳復遣陳壁等奉書乞和辛酉右監軍充遣兀顏抄合以兵趣鳳州城潰入焉完顏綱遣京兆錄事張仔會吳曦於興州之置口職具言所以歸朝之意仔請以告身為報盡出以付之仍獻階州乙丑平章政事僕散揆班師完顏綱以朝命假太倉使馬良顯齎書金印立吳曦為蜀王按僕散傳泰和六年十一月揆總大軍南伐分兵為九路進揆以行省兵三萬出賴壽至淮宋人逆拒於水南揆密遣人測淮水惟八疊灘可涉即遣與屯襄陽兵下蔡聲言欲渡宋帥何汝礪姚公佐悉銳師屯花鰲以備揆乃遣右翼都統完顏賽不先鋒都統納蘭烈潛渡八疊駐南岸揆麾大軍直壓其陣敵不虞我卒至皆潰走自相蹂踐死於水者不可勝計進奪賴口下安豐軍

遂攻合肥取滁州盡獲其軍實上遣使諭之曰前得卿奏先鋒已奪賴口偏師又下安豐斬敵之數各以萬計近又西師奏捷秦陽光化既為我有樊城鄧城亦自潰散又聞隨州合城歸順山東之衆入圍楚州隴右之師尅期出界卿提大兵攻合肥趙擴聞之料已破膽失其神守度彼之計乞和為上昔嘗畫三事付卿以今事勢計之徑渡長江亦其時矣淮南既為我有除江為界理所宜然如使趙擴奉表稱臣歲增貢幣縛送賊魁還所俘掠一如所論亦可罷兵卿宜廣為渡江之勢使彼有必死之憂從其所請而縱之僅得餘息偷生豈敢復萌他慮卿於此時經營江北勢俟安集除其虐政橫賦以良吏撫字疲民以精兵分守要害雖未係趙擴之頸而朕前所畫三事上功已成矣前入見時已嘗議定今復諄諄者欲決卿成功爾機會難遇卿其勉之既而宋帥丘岳果奏書乞和揆以前五事諭而遣之復進軍圍和州敵以騎萬五千駐六合揆偵知之即以右翼掩擊斬首八千級進屯於瓦梁河以控真揚諸路之衝乃整列軍騎畢張旗幟沿江上下皆金兵焉於是江表震恐宋真州兵數萬保河橋復遣統軍統石烈子仁往攻之分軍涉淺潛出敵後敵見之大驚不戰而潰斬首二萬餘級生擒其帥劉挺常思徽蕭從德莫子客皆宋驍將也遂下真州宋復遣陳壁來告和揆以乞解未誠使欲緩師卻之宋人既喪敗不獲請成乃決巨勝成公雷塘渚積水以為阻盡焚其蘆舍儲積過江遁去揆以方春地濕不可久留且欲休養士馬遂振旅而還按僕散端傳泰和六年詔大臣議伐宋皆曰無足